



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 62. B. Jordani mors.

---

[urn:nbn:de:hbz:466:1-66268](#)

*estatis in Imperatores, quibus, dum coronan-* Sæcul.XIII.  
*tur, gladium Ecclesia tradit. Hæc te con-* A. C. 1236.  
*vincunt, quod Sunimi Pontificis juri, fidei-*  
*que ac honori tuo deroges, non agnoscendo*  
*illum, cui dignitatem tuam debes. Quæ ra-*  
*tiocinatio concluderet, si facta, quibus in-*  
*nititur, a veritate non abluderent.*

Interea Imperator factis in Lombardia progressibus Veronam adortus, Vicentiam mense Novembri ejusdem anni 1236 <sup>Godefr. Mon. an.</sup> 1236. captam ex parte succedit. Sed comperta Ducis Austriæ seditione, in Germaniam redire cogebatur. Ante abitum suum Papam, ut Lombardiæ res componeret, orari curavit. Qui duos illuc Legatos novos misit Raynaldum Episcopum Ostiensem, ac Thomam Cardinalem Presbyterum, ad S. Sabinam, ut patet ex illius epistola Legatorum commendatitia ad Lombardiæ Præfules 29 Novembris <sup>ap. Rain.</sup> data. Imperator in Germaniam reversus 1236. n. 13. Austriæ Duce devicto, & propriis terris exuto, hyemem Viennæ transegit. <sup>S. Germ. cod. p. 1026. Vita Greg.</sup> <sup>p. 366.</sup>

## §. LXII.

### B. *Jordani mors.*

Hoc anno 1236. die Pentecostes 18 Maji B. Jordanus Parisiis FF. Prædictorum comitia habuit, quæ secunda <sup>Bern. Guid. ap. Boll. 13. Febr. to. 4.</sup> erant admodum generalia. Tum Palæstinam petiit, loca sancta, & sui Ordinis

R 2                    hac

Sæcul. XIII. hac in provincia monasteria obiturus,  
A.C. 1237. Sed in navi ad maritimas oras Galilææ

furentis pelagi æstu obrutus una cum  
Ibid. p. 730. duobus Ordinis sui fratribus multisque  
ex vitiis PP. hominibus aliis interiit.

Præd. p. 50. Qui hoc e nau-

fragio salvi evaferant, affirmarunt postea,  
priusquam mortuorum corpora terræ  
mandata essent, super ea singulis noctibus  
e cœlo lumina descendisse, ac odorem suauissimum  
fuisse perceptum. Jordanum  
& duos ejus socios eodem primum loco  
humatos dein Fratres Prædicatorum Pto-  
lemaide per lembum advecti suam in  
Ecclesiam transtulerunt. Sic vitam  
B. Jordanus finiit 13 Febr. an. 1236, scili-  
cet an. 1237 ante Pascha.

Multa miracula per ejus intercessio-  
nem facta, multa ejusdem dicta insignia  
*Boll. p. 732.* referuntur. Quodam die Imperatorem  
*Vitæ PP.* Fridericum adiit; & postquam diu in si-  
*p. 54.* lentio una federant, *Domine*, ajebat, *ex officio meo varias peragro provincias: hinc miror, te abs me non querere, quid fama serat?* *Habeo*, reposuit ille, *habeo nuncios meos in omnibus aulis, cunctisque provinciis, & quid rerum in orbe agatur, scio.* At Jordanus: *Christus tanquam Deus novat omnia; discipulos tamen suos, quid de se diceretur, interrogavit. Tu non nisi homo es, ac multos de te rumores nescis, quos non visse tua plurimum referret. Diceris autem Ecclesiastis opprimere, censuras Ecclesiasti-*

siaſicas ſpernere, divinationibus habere fit. Sæcul.XIII.  
 dem, *Judæis & Saracenis* nimium fave- A.C.1237.  
 re, Papam *JESU Christi Vicarium* non  
 honorare. Profecto hæc omnia te digna  
 non sunt. Talis erat correctio, quam Im-  
 peratori adhibuit.

Aliquando homo profanus sic eum  
 alloquebatur: *Magister!* unde fit, ut non-  
 nunquam inter nos dicamus, ab origine  
 Fratrum tuorum Minorumque aërem non  
 tam clementem, ac terram non tam ferti-  
 lem, ut prius, esse? Ad ea Jordanus: *Ne-*  
*gare id possem, & contrarium tibi oſten-*  
*dere. At eſto, quod aſis!* demonſtro æ-  
 quum esse. *Nam ex quo in orbem veni-*  
*mus, informavimus eum, ac multa ei pec-*  
*cata deteximus, quæ ignorabat, nec tamen*  
*vitare vult.* Hæc vero peccata post sui  
 cognitionem admissa graviora sunt: hinc  
 Deus majores illi plagas, ut sterilitatem,  
 immittit. Et niſi vos emendetis modo,  
 dum, quid faciendum vobis fugiendumque  
 fit, noſcitis, etiam pejora experiemini.

Cum in quodam Cisterciensis Ordinis  
 monasterio effet, monachi eum circum-  
 stantes, *Magister,* inquiebant, quomodo  
 persistere poterit Ordo tuus sola ſtipe vi-  
 ditans? Nunc quidem magna est hominum  
 erga tuos beneficentia: sed, ut scriptum  
 eſſe ſcis, refrigerescet charitas. Respondit Matth. 24.  
12.

ſuavifſime: *Vestrīs ex verbis planum fa-*  
*ciam, vestrūm Ordinem prius quam no-*

Sæcul.XIII. strum esse desitum. Ut Evangelium præ-A.C.1237. dicit, *charitas refrigescet eodem tempore, quo iniquitas abundabit, & intoleranda vexationes orientur. Prævidetis autem facile, vexatores vobis bona temporalia adempturos esse; cumque non soleatis petendæ stipis gratia diversa adire loca, fame pereundum vobis erit. E contrario nostri Fratres tunc dispersi fructus majores colligent, ut Apostoli per insectationem separati. Ibunt bini ex more suo, & victum quærant. Plus dico: Qui vos expilavint, illis ultro largientur: prout crebram per experientiam scimus, grassatores cum gaudio nobis partem prædæ suæ daturos esse, si accipere vellemus.*

Act. 8. 4.

Interrogatus, cur artifices potius, quam Theologi ac Jurisperiti Prædicatorum Ordinem ingrederentur, ita respondebit: *Rustici bibere aquam soliti, si quando generosum potant vinum, facilius ebrii sunt, quam nobiles & cives huic assueti. Optimes per totam hebdomadem aquam Aristotelis cæterorumque philosophorum hauriunt: itaque dum Dominico aut Feso die Oratori sacro aures præbent, ac verba Christi ejusque servorum excipiunt, haud cœgre capiuntur: Theologi vero, qui ejusmodi sermones sæpe audierunt, similes auditio sunt, arce prætereundæ sic assueto, ut eam non salutet amplius.*

Cum

Cum Congregationi Episcoporum in-Sæcul.XIII.  
terefset, quærebant, qua ratione fieret, A.C. 1237.  
ut Episcopi e duobus tam perfectis Præ-  
dicatorum & Minorum Ordinibus evoca-  
ti hoc munus haud bene gererent? *De-*  
*betis, ajebat, hujus rei causam e vobis ipsis*  
*exquirere, quia hæc pietatis remissio in illis*  
*non accidit, nisi postquam vestrum ad ordi-*  
*nem transferunt: nam quamdiu in nostro e-*  
*rant, eos probe correximus. Præterea diu*  
*in Ordine sum; nec tamen, quantum memini,*  
*Papa, vel Præful, aut Collegium Cathedra-*  
*le a me vel ab alio Superiore unquam virum*  
*egregium in Episcopum petiit. Elegerunt*  
*ipsi, quos volebant, aut propensione in eorum*  
*cognatos, aut alia parum spirituali ratione*  
*ducti. Alias dicebat: Nil mirum, quod*  
*Fratres nostri in Episcopatu minus bene quam*  
*alii Religiosi se gerant: recedunt longius a*  
*professione sua, quæ vetat, nequid vel com-*  
*muniter possideant. Aliquando illo præ-*  
*sente sermo erat de insigni Ordinis viro,*  
*isque debere fieri Episcopus dicebatur.*  
*At ille, mallem, inquietabat, eum in feretro,*  
*quam sacro in folio videre.*

Jordanus brevem initiorum Ordinis  
sui relationem nobis reliquit, quæ est o-  
ptimum, quod habemus, archetypum de  
S. Dominico & primis ejus discipulis a-  
gens. Ad finem hujus scripti memorat,  
qua occasione in Ordine post Completo-  
rium cantari jussa fuerit antiphona *Salve*

R 4

Regina.

MS.

**Sæcul. XIII.** *Regina.* In cœnobio Bononiensi erat frater, Bernardus nomine, qui peccata sua præterita expiandi causa quandam singularem a Deo pœnam poposcit, cumque de hac multum deliberasset, consensit denique, ut a dæmone obsideretur; id quod reapse factum. Hæc autem fratri Bernardi afflictio prima occasio fuit *Salve Regina* in Bononiensi Monasterio canendi; unde hic mos in totam provinciam Lombardicam, & procedente tempore in universum Ordinem dimanavit. Scriptor Vitæ Gregorii IX. dicit, hunc Papam præcepisse, ut die Veneris post absolutum totum Officium antiphona illa cantaretur; & hoc resert inter ea, quæ Papa an. 1238 egit: hinc inferri potest, eum Fratrum Prædicatorum exemplo hunc sanctissimæ Virginis cultum instituisse.

**c. 59. 60.**

**c. 61.**

**ap. Rain.**  
an. 1238.  
n. 73.

**Vita**  
**S. Raymo.**  
**7. Jan.**  
**Boll. to. I.**  
**p. 411.**

Beatus Jordanus Ordini suo pene sedecim annos præfuit. Ut successor eligeretur, Bononiæ Comitia celebrabantur. Cum suffragia dispersa essent, indicatae sunt preces ad sepulchrum S. Dominici, quibus peractis ad negotium suum reveri Patres una omnes voce Raymundum Pegnafortium quanquam absentem cooptarunt. Vehementer is primum restitit: sed Deum sic velle per præcipuos Ordinis Patres Bononia Barcinonem delatos edocetus paruit; neque tamen ultra biennium munus obiit.

§. LXIII.